

FILED

IN THE TRADITIONAL RIGHTS COURT
REPUBLIC OF THE MARSHALL ISLANDS

CIVIL ACTION NO. 1982-10

NEIAN KELEMEN)
Plaintiff)
-VS-)
ATADRIK MWEJENWA)
Defendant)

LEMNAK IM UAAK EO AN TRADITIONAL RIGHTS
COURT EO

Ekkar non rule 13 in rule ko an Traditional Rights Court eo, court in ear koba ilo juon joint hearing iben High Court eo ilo February 26, 1986 ilo courthouse eo ilo Majuro. Un eo elap ilo ronjake in ej bwe panel eo an Traditional Rights court en maron tobar juon uak non kajitok eo, WON EO EJ KABJER MARON KO AN ALAP ION WENEO WETO ILO AILIN IN ARNO ATOLL?

KOBBAN RONJAKE EO

Ekajet in ear komon ilo ruo mottan, February 26, 1986, nan in kamol ear itok jen iben plaintiff im dri kamol ro an ke ALAP Mannana im IROLJLAPLAP Leben rar AJELOK MARON kein kajitok kaki non plaintiff Neian im bwe elkin wot an LOT Alap Mannana, plaintiff ear KABJER MARON kein ekkar non an kar KALOT Mannana.

Tokelik, ilo May 2, 1986, ke court ear bar jeblaklok non courthouse eo, ronjake nan in kamol ko rar komon ibben dri jumae abnono im dri kamol ro an.

MANIT KO, MELELE KO EMOJ KAMOLI

1. UKWOT BOKE EO, Plaintiff ear drolol im Kobaidrik man eo belen Alap Lata ear UNOKE ion Woneo Weto, Lata ear jiban Kobaidrik Kauk plaintiff eo, plaintiff eo ear Kolla Wonan Kobaidrik im Lata kin elon men ko ekoba jikka ko, plaintiff ear berwot im Kau im Kalot dri belele rein jimor, ear jab lo defendant Atadrik, plaintiff ear Ukot Boka Eo.

2. MEJED KABILEK KIJ, Lata ej kora eo edritto jen Mannana, ear lo tokjen

jerbal ko an plaintiff ibelakin, ear kabbe plaintiff "Kab Korwan Mannana."

3. EONODRE JOKLA EO, Elkin an Lata mij, plaintiff ear ber wot im korwan Mannana im jerbal non e, ejelok lukun nejin, ejelok lukun mandren, defendant Atadrik ej mandren ilo kajriri, alap Mannana ear armij eo eliktata ilo line in bwij eo an, nan in karok ko an rej einwot Koto Eo Ekajur ej itok jen ean (Jokla) ewor iben maron ko non ajelok maron ko an non jabrewot eo ej lo bwe (Mejed Kabilok Kij) ej tellokin jolete, plaintiff ear eonodre maron ko an alap Mannana.

IMON AJE, Mokta jen an alap Mannana mij ear komone karok eo an, ear ajelok maron ko an alap im dri jerbal jimor ion Woneo Wetu non plaintiff eo. Iroiylaplap Leben eo ilo tore eo ear kabin Ajelok in.

IMON KALOTLOT, Plaintiff Neian Kelemen ej juon armij jen Namdrik, ejelok and bwirij ion Arno Atoll, ejelok Kadkad in non alap Mannana, ke Mannana ear drittolok im mojno, plaintiff ear jibane komoni waini ko im wia kijen, boktok-boklok, karreok toeak ko im jaki ko kinen, ke emij Mannana, plaintiff ear keboj enbwin eo non kallip, plaintiff ear jab lo defendant ilo ien eo, plaintiff ear "Iju-Bon Iju-Rane" turin alap Mannana, term in ej kemelet, "ELOT LOK WOT MAD EO IAR RUBRUBE IM BOK NA JITNON, EJAB BUNIT ENIO, EJAB BUNIT RAKIO, AK ELOTLOK WOT NA IJE ILOBEREN PEIO, MOTLOK IN WA ENAJ BAR BEI TOK, AK MOTLOK IN ARMIJ MOTLOK IN DREO, JU IJENE IM KEMOT, KWON JANIT BOK NE IJEN". Inem eliktata "AMEN AKA EO" jinoin juon AMNAK EKAL.

KANIN LUJIEN, Lata, kora eo edritto jein Mannana ear bok defendant Atadrik ke ej Ajri wot im kajririki einwot juon eo lukun kobban lujien, ilo lot in bwij land eo ear kajririk, kanin lujien eo ej telokin jolete maron ko air, ilo line in Ninin Land, Bwibwin lo Koreak eo ej dri jolet.

LEMNAK EO

Case in ej juon case eo elap an aurok non ilju im jekla eo an armij in Marshall Islands kinke dri jumae ejumae maron ko an dri abnono im kar joleti kin karok eo an iroiylaplap eo ilo tore in im maron ko an Kanin Lujien eo.

Ijo ejumae karok eo an iroijlaplap eo ilo tore in, kar karok eo an alap eo Mannana im iroijlaplap eo ilo tore eo burukuk im ajelok maron ko an alap im dri jermal ion Woneo Weto, Arno Atoll non plaintiff, mene Aje in ear komon wot ilo nan (Mantin Marshall) im jab ilo jeje (Mantin Kil Mouj) maron kein rar make wot im jelet plaintiff elkin wot an kar make wot im kalot alap Mannana, ejelok kajitok kake ekkar non kien Imon Kalotlot.

Ijo ejumae maron ko an Kanin Lujien in ej maron ko iumin Ukot Boka Eo, Mejed Kabilok Kij, Eonodre Jokla Eo im Amen Aka Eo.

Botab, panel eo an Traditional Rights Court ej aikuij in ketal an lomnak iumin term eo na etan "Lia".

Ilubwiljin nan in kamol ko, ejelok ijo ej konono "Lata ear bukwelok maron in kajiriri eo jen defendant Atadrik, "ijelokin wot" Kab ber im korwan Mannana", ejelok ijo ej konono " Mannana ear bukwelok maron in Kanin Lujien eo, ijelokin wot, kannake plaintiff kin maron ko an bwij eo, ejelok ijo ej konono, "Lata im Mannana rar kejelaik defendant bwe en rol tok jen jikin jermal eo an non kauk erro".

Ijowotke, non kar jibarek jolet ko an Kanin Lujien eo, defendant eo ear aikuij wot in kabbe juon nukin ebake non inek edro ko an iturin Lata im Mannana ilo ran in drolol ko aerro. Ilo term eo na etan EOEU NON ILJU IM JEKLAJ EO AM.

Ejelok ilo juon wawen eo elap ilo konono in non bobrae defendant Atadrik Mwejenwa jen an jermal non plaintiff Neian Kelemen ion weto in kajitok kake einwot juon jein kora eo emol."

KIN MENIN,

UAAK EO

Plaintiff Neian Kelemen ej kabjer maron eo an alap ion Woneo Weto, Arno Atoll.

Bollong Joklur 6/20/86

Judge Bollong Joklur
Iroij Member

Ellan Jorkan 6/20/86

Judge Ellan Jorkan
Alap Member

Berson Joseph 6/20/86

Judge Berson Joseph
Dri Jerbal Member